

IX Concurso de Fotografía Cidadanía Europea en Galicia:

“A mocidade ante a cámara: Ano Europeo da Xuventude”

Europe Direct A Coruña e Europe Direct Lugo, centros oficiais de información da Comisión Europea, convidan ás persoas residentes en Galicia maiores de idade a participar no **IX Concurso de Fotografía Cidadanía Europea en Galicia: “A mocidade ante a cámara: Ano Europeo da Xuventude”**.

O ano 2022 foi declarado pola Unión Europea como *Ano Europeo da Xuventude* co obxectivo de recuperar perspectivas positivas para os mozos e mozas europeos, que se viron afectados negativamente polo impacto da pandemia de COVID-19.

No *Ano Europeo da Xuventude* a Unión Europea quere destacar a importancia da mocidade europea para construír un futuro mellor: máis ecolóxico, máis inclusivo e dixital. O *Ano Europeo da Xuventude* é o momento ideal para compartir a túa visión e compromiso.

Enfoca a mocidade e participa no concurso! Déixate inspirar polas iniciativas europeas xuvenís que atoparás no portal do *Ano Europeo da Xuventude*. Hai unha ampla variedade de temas para tratar, desde a Mocidade no mundo ata a Mobilidade educativa en Europa, pasando pola dixitalización, a saúde ou a cultura.

Toda obra debe incluír un símbolo representativo da Unión Europea.

O lema do concurso é “A mocidade ante a cámara: Ano Europeo da Xuventude”

PARTICIPA neste concurso e GAÑA un fantástico premio!!





EUROPE DIRECT
A Coruña



EUROPE DIRECT
Lugo

BASES DO CONCURSO

1. Organización

Europe Direct A Coruña e Europe Direct Lugo (de agora en diante “os organizadores”) convocan o noveno concurso de fotografía baixo o lema “*A mocidade ante a cámara: Ano Europeo da Xuventude*” (de agora en diante “o Concurso”) a través da páxina de Facebook creada a tal fin en <https://www.facebook.com/concursocidadaniaeuropeaengalicia>

2. Persoas participantes

Poderán participar as persoas residentes en Galicia maiores de 18 anos que se animen a desafiar o obxectivo da súa cámara.

3. Tema

O lema do concurso é “*A mocidade ante a cámara: Ano Europeo da Xuventude*”. O obxectivo é que as persoas participantes presenten obras que expresen a súa visión da xuventude na Unión Europea.

Europa precisa a visión, o compromiso e a participación de todos os mozos e mozas para construír un futuro mellor, que sexa máis ecolóxico, inclusivo e dixital.

Se aínda non sabes que fotografía presentar podes elixir algún tema relevante do [Ano Europeo da Xuventude](#) ou buscar inspiración en campañas das institucións europeas sobre esas áreas.

Bota un ollo á lista de ideas e inspírate!



TEMAS	INICIATIVAS	HASHTAGS
Transición verde	Pacto Verde Europeo	#PactoVerdeEuropeo #EUGreenDeal
	Campaña europea de Limpeza de praias	#EUBeachCleanUp
	Embaixadores do Pacto Europeo polo Clima	#EUClimatePactAmbassadors
	Energía para a xuventude	#EnergyforYouth
	The Green Track	#TheGreenTrack
A mocidade e o mundo	Corpo Europeo de Solidariedade	#EUSolidarityCorps
Dixital	Exploradores Dixitais	#DigitalEU
Saúde, benestar e deporte	Estilo de vida saudable para tod@s	#HealthyLifestyle4All
Cultura	Discover EU	#DiscoverEU
Mobilidade educativa en Europa	Erasmus+	#ErasmusPlus
Emprego e inclusión	Garantía Xuvenil	#EUYouthGuarantee
Diálogos sobre políticas e participación xuvenil	Mocidade Voluntaria de Interreg	#Youth4Cooperation
	Iniciativa Cidadana Europea	#EUTakeTheInitiative
	Evento Europeo da Xuventude	#EYE

Toda obra debe incluír un símbolo representativo da Unión Europea.

Utilizarase o hashtag #CidadaniaEuropeaEnGalicia

4. Número de fotos

Cada persoa participante poderá presentar unha ou varias fotografías ou unha ou varias montaxes de fotografías. A fotografía ou fotografías serán orixinais, únicas e inéditas. Esta(s) fotografía(s) poderá(n) ser tomada(s) con cámara dixital, móbil ou outro dispositivo electrónico.

No caso de que nas fotografías aparezan imaxes que permitan a identificación de persoas, será necesario que a persoa participante no concurso obteña o consentimento dos/as interesados/as para a súa publicación. Europe Direct A Coruña e Europe Direct Lugo quedan exentos de calquera responsabilidade.

5. **Formato e tamaño**

A técnica de realización será libre. As fotografías deberán enviarse en formato PNG, cunha resolución mínima de 300 píxeles e un tamaño máximo de 400 K.

6. **Presentación das fotografías**

As fotografías deberán enviarse ao correo electrónico cidadaniaeuropeaengalicia2022@gmail.com acompañando o [formulario de participación](#).

As fotografías serán subidas automaticamente á páxina de Facebook do concurso.

7. **Prazo de presentación**

Poderás participar **dende o 09/05/2022 ata o 09/06/2022, ás 14.00 h.**

Non serán válidas en ningún caso as fotografías recibidas antes ou despois do devandito prazo, así como as que non cumpran todos os requisitos do concurso. Igualmente non serán válidas as participacións correspondentes a perfís fraudulentos.

8. **Valoración e xurado**

O xurado estará composto por 5 persoas: dúas en representación de cada Europe Direct organizador e unha persoa experta en fotografía.

Para a elección das obras gañadoras teranse en conta os seguintes criterios:

- Adecuación á temática.
- Calidade.
- Orixinalidade.
- Mensaxe transmitida.

Ademais, valorarase a mensaxe europea, a presentación artística e a aplicación pedagóxica do seu contido.

9. Colaboración e difusión do concurso

O Centro de Estudos e Documentación Europeos (CEDE) da Universidade de Santiago de Compostela colaborará na difusión deste concurso.

10. Data de publicación de persoas gañadoras

Os nomes das persoas gañadoras serán publicados na páxina web do concurso o día 15 de xuño de 2022.

As persoas gañadoras deberán remitir a documentación requirida polos centros Europe Direct co obxectivo de comprobar que reúnen os requisitos esixidos para a participación no concurso. No caso de que non fora así, o gañador pasará a ser automaticamente o suplente 1 (elixido previamente polo xurado) e así sucesivamente.

11. Premios

Cada Europe Direct fará entrega de dous premios e haberá un total de 4 premios individuais a repartir. Os premios concederanse como figura a continuación:

- Europe Direct A Coruña:

1º Premio: 1 Cámara de fotos

2º Premio: 1 Tablet

- Europe Direct Lugo:

1º Premio: 1 Cámara de fotos

2º Premio: 1 Tablet

Cada persoa participante deberá indicar no formulario de participación o centro Europe Direct ao que presenta a súa fotografía.

Aos autores das fotografías premiadas notificaráselles a súa condición de gañadores a través da dirección de correo electrónico facilitada a efectos de comunicacións.

Os organizadores resérvanse o dereito para substituír os premios por outros de igual ou maior valor se algún ou todos os premios sinalados non estivesen dispoñibles por calquera motivo.



EUROPE DIRECT
A Coruña



EUROPE DIRECT
Lugo

As persoas gañadoras poderán renunciar ao premio, pero, en ningún caso, poderán trocalo por outro distinto nin polo seu importe en metálico.

12. Entrega de premios

A entrega de premios realizarase nun acto a celebrar no mes seguinte á data de publicación das persoas gañadoras, sempre que as medidas sanitarias o permitan.

Informarase oportunamente ás persoas gañadoras do lugar e data exactos. As persoas gañadoras deberán recoller o premio persoalmente ou ben a través da persoa que designen.

Se non fora posible poñerse en contacto coas persoas gañadoras nos 3 días hábiles posteriores á comunicación, a persoa gañadora pasará a ser automaticamente a persoa suplente 1 (elixida previamente polo xurado) e así sucesivamente.



EUROPE DIRECT
A Coruña



EUROPE DIRECT
Lugo

Cláusulas específicas

Aceptación das Bases

A participación no concurso supón a aceptación expresa e sen reservas pola persoa participante das bases do concurso, así como do clausulado.

O incumprimento de calquera destas bases por parte do persoa participante, determinará a súa inmediata descalificación.

O veredicto do xurado será inapelable, e a el competará a resolución de cantas dúbidas puidesen exporse na interpretación das bases do concurso.

Acerca das imaxes

As imaxes non poden ser actos publicitarios nin servir como medio para publicitar produtos e/ou servizos propios da persoa participante ou de terceiras. As imaxes deben respectar a imaxe de calquera persoa física ou xurídica, incluídas persoas anónimas, famosos, entidades, institucións, organismos e/ou empresas, incluídas as súas marcas e signos distintivos.

Serán excluídas todas as imaxes das que a persoa participante non sexa autora, lesionen dereitos de terceiros, ou cuxo contido sexa abusivo, obsceno, vulgar, violento, racista, sexista, ameazante, contraveña os bos costumes, vulnere algún dereito fundamental da persoa, infrinxa dereitos de terceiros ou calquera disposición legal en vigor.

A persoa participante garante que a obra é orixinal e inédita e non está suxeita a contratos, cesións ou licenzas a terceiros de dereitos de autor ou de propiedade intelectual ou doutros dereitos. Igualmente, a persoa participante garante que a súa foto está libre de calquera gravame ou carga e que non infrinxe dereitos de terceiros.

As fotos deberán ser da propiedade da persoa autora. En caso de detectar un uso fraudulento, os organizadores resérvanse a facultade de descartar a súa participación no presente concurso.

Publicidade

Excepto en casos nos que estea prohibido, a participación no Concurso constitúe o consentimento das persoas gañadoras a que os centros Europe Direct organizadores e os seus axentes utilicen os datos das persoas gañadores, tales como o nome, apelidos, gustos, fotografía, voz, opcións e/ou correo electrónico e dirección postal, para fins promocionais en calquera medio, a nivel mundial, sen que exista pago ou contraprestación algúns. As persoas gañadoras serán identificadas da seguinte forma para protexer a súa privacidade: nome e iniciais dos apelidos.

Requisitos Xerais

Os centros Europe Direct organizadores resérvanse o dereito de cancelar, suspender e/ou modificar o Concurso, en todo ou en parte, en caso de fraude, fallos técnicos, ou de que calquera outro factor máis aló do control razoable dos centros Europe Direct que impida a integridade ou o funcionamento adecuado do Concurso, a xuízo dos organizadores. Así mesmo, resérvase o dereito de descalificar a calquera persoa que manipule, ao seu entender, o proceso de participación ou o funcionamento do Concurso ou actúe en violación do presente clausulado. Calquera intento de impedir de xeito deliberado o funcionamento lexítimo do Concurso poderá significar unha violación do dereito penal e civil, e no caso de que a dita vulneración tivese lugar, os centros Europe Direct organizadores resérvanse o dereito de reclamación de danos por parte de calquera persoa na medida permitida pola lei. O feito de que os centros Europe Direct organizadores incumpran con algún dos termos do presente Clausulado, non conlevará a renuncia á devandita disposición.



EUROPE DIRECT
A Coruña



EUROPE DIRECT
Lugo

Limitación de Responsabilidade

Na maior medida posible admitida por lei e sen afectar de maneira negativa a ningún dos dereitos irrenunciábeis, as Partes Exoneradas non se farán responsables de:

(1) información incorrecta ou imprecisa, xa sexa causada polos persoas participantes, erros de impresión ou por calquera dos programas ou equipos asociados a ou utilizados no Concurso; (2) fallos técnicos de calquera tipo, incluídos a modo enunciativo, que non limitativo: funcionamento inadecuado, interrupcións, desconexións en liñas telefónicas e hardware ou software de rede; (3) intervención humana non autorizada en calquera momento ao longo da participación ou o Concurso; (4) erros técnicos ou humanos que puidesen darse na xestión do Concurso ou tratamento dos persoas participantes; (5) calquera envío que sexa recibido tarde, extraviáese, estráguese ou sexa roubado; ou (6) calquera dano a persoas ou bens que puidese ser causado, directa ou indirectamente, en todo ou en parte, pola participación de candidatos no Concurso ou a recepción do premio ou o uso debido ou indebido do mesmo. Se, por calquera motivo, confírmase que unha solicitude dun persoa participante foi eliminada por erro, perdida ou destruída de calquera outro modo ou devíñese corrupta, a única solución para o persoa participante é a de solicitar novamente a participación no Concurso, coa condición de que, se non fose posible ofrecerlle unha nova participación debido a discontinuidade do Concurso, ou dalgunha parte da mesma, por calquera motivo, os centros Europe Direct organizadores poderán elixir, á súa discreción, entre todas as solicitudes recibidas ata a data de discontinuidade dun ou todos os premios ofrecidos no presente Concurso. Non se concederán máis premios dos establecidos.

Propiedade Intelectual

Os centros Europe Direct organizadores resérvanse o dereito para publicar as fotografías, citando sempre a persoa autora da mesma, así como o resultado do concurso, na súa páxina web, redes sociais, etc.

A Persoa participante manifesta e garante aos centros Europe Direct organizadores que é o único titular de todos os dereitos de autor da fotografía coa que participe no Concurso, manifestando que sobre os mesmos non ten contraídos nin contraerá compromisos ou gravames de ningunha especie que atenten contra os dereitos que aos centros Europe Direct organizadores ou a terceiros correspondan. A este respecto, a Persoa participante faise responsable fronte aos centros Europe Direct organizadores de todas as cargas pecuniarias que puidesen derivarse para os centros Europe Direct organizadores a favor de terceiros con motivo de accións, reclamacións ou conflitos derivados do incumprimento destas obrigacións por parte da Persoa participante. No caso de que aparezan persoas recoñecibles na fotografía, o persoa participante autoriza expresamente aos centros Europe Direct organizadores ao uso da imaxe aos exclusivos fins establecidos no presente Concurso.

A participación no concurso conleva a cesión por parte das persoas finalistas e das gañadoras a favor dos dereitos de reprodución, distribución, comunicación pública e transformación sobre as obras fotográficas, sen que se xere a favor do autor nin de ningún terceiro dereito a retribución algunha.

Protección de Datos

Os datos de carácter persoal facilitados nas solicitudes serán tratados pola Deputación da Coruña e polo Concello de Lugo como organizadores do concurso, co fin de xestionar as inscricións e a realización do mesmo.

A lexitimación para o tratamento dos datos persoais é o consentimento que a persoa outorga na súa solicitude.

Os organizadores non cederán datos a terceiros, salvo obrigación legal. Os organizadores conservarán os datos durante o tempo que sexa necesario para cumprir coa finalidade para a que se solicitaron e para determinar as posibles responsabilidades que se poidan derivar da finalidade exposta e do tratamento dos datos.

As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos a través dos seguintes medios:

- No caso da Deputación da Coruña, a través da [sede electrónica](#) da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Para calquera outra dúbida relacionada coa protección de datos as persoas interesadas poden dirixir un correo a delegadodeprotecciondedatos@dacoruna.gal.
- No caso do Concello de Lugo, domiciliado en Praza Maior, nº 1 27001, Lugo. Para calquera información adicional pode realizar a súa consulta a través dos seguintes medios:
 - Teléfono: 982 297 100
 - Correo electrónico: 010@concellodelugo.org
 - Contacto DPD: dpd.lugo@seguridadinformacion.com

Se consideran que o presente tratamento incumpre o establecido no RGPD poden presentar unha reclamación ante a AEPD.

A publicación dos datos persoais dos gañadores do concurso ten carácter obrigatorio para a xestión do premio. Calquera comunicación falsa ou incompleta dos datos persoais dá dereito aos organizadores do presente concurso a descualificar ao gañador.



EUROPE DIRECT
A Coruña



EUROPE DIRECT
Lugo

Modelo de formulario de inscrición

CONCURSO Centro ao que presenta a fotografía		
	<input type="checkbox"/> Europe Direct A Coruña	<input type="checkbox"/> Europe Direct Lugo
Nome ou pseudónimo		
Correo electrónico		
Localidade de residencia		
Título da fotografía		
Descrición da fotografía		

Información Protección de datos de carácter persoal

CORRESPONSABLES DO TRATAMENTO	DEPUTACIÓN DA CORUÑA <i>Avenida Porto da Coruña, 2, 15003 A Coruña</i> CONCELLO DE LUGO <i>Avenida da Coruña 500, 27003 Lugo</i>
PUNTO DE CONTACTO	<i>Para calquera dúbida en materia de protección de datos, pode dirixirse:</i> -Ao Delegado de Protección de datos da Deputación a través do seguinte correo electrónico delegadodeprotecciondedatos@dacoruna.gal -Ao Delegado de Protección de datos do Concello de Lugo a través do seguinte correo electrónico dpd.lugo@seguridadinformacion.com
FINALIDADE	<i>Os datos facilitados serán tratados co fin de xestionar a súa inscrición e a realización do concurso.</i>
LEXITIMACIÓN	<i>A lexitimación para o tratamento dos datos persoais é o consentimento que o solicitante outorga nesta solicitude. O consentimento é revogable en todo momento sen efectos retroactivos, pero a súa revogación supoñerá a imposibilidade de formar parte do concurso.</i>
DESTINATARIAS/OS	<i>Os corresponsables non cederán datos a terceiros, salvo obrigación legal.</i>
DEREITOS	<i>Deputación da Coruña: Poderá exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Concello de Lugo: Calquera persoa ten dereito a obter confirmación sobre se, o Concello de Lugo, está a tratar datos persoais da súa pertenza, ou non. As persoas interesadas teñen dereito a acceder aos seus datos persoais, así como a solicitar a rectificación dos datos inexactos ou, no seu caso, solicitar a súa supresión cando, entre outros motivos, os datos xa non sexan necesarios para o cumprimento dos fins para os que foron recollidos e en cumprimento da lexislación vixente. En determinados casos, as persoas interesadas poderán solicitar a limitación do tratamento dos seus datos. Nese caso, unicamente, se conservarán para o exercicio ou a defensa de reclamacións. En determinadas circunstancias e por motivos relacionados coa súa</i>



EUROPE DIRECT
A Coruña



EUROPE DIRECT
Lugo

	<p><i>situación particular, as persoas interesadas poderán opoñerse ao tratamento dos seus datos. O Concello de Lugo deixará de tratar os datos, salvo por motivos lexítimos imperiosos no exercicio ou na defensa de posibles reclamacións. A persoa interesada ten dereito a recibir os datos persoais que facilitou ao Concello de Lugo nun formato estruturado, de uso común e lectura automatizada. Este último dereito limitarase polas seguintes excepcións:</i></p> <p><i>a) Que os datos sobre os que recae este dereito, foran facilitados pola persoa interesada.</i></p> <p><i>b) Que os datos sexan tratados polo Concello de Lugo de forma automatizada.</i></p> <p><i>Así mesmo ten dereito a retirar o consentemento outorgado, en cuxo caso será efectivo desde o momento no que o solicite, sen ter efectos retroactivos, así como o dereito a reclamar ante a Axencia Española de Protección de Datos (www.aepd.es).</i></p>
PRAZO DE CONSERVACIÓN	<p><i>Os corresponsables conservarán os datos durante o tempo que sexa necesario para cumprir coa finalidade para a que se solicitaron e para determinar as posibles responsabilidades que se poidan derivar da finalidade exposta e do tratamento dos datos.</i></p>

- Tras ler a información en materia de protección de datos que figura no cadro anterior, consinto expresamente o tratamento dos datos persoais que figuran nesta solicitude.

En _____ a _____

Asinado: